

CXXIV.

*Copie authentique d'une lettre du Prince d'Orange aux
États de Flandre. — Protestations de bon vouloir.
(Arch. Y.)*

Messieurs, J'ay entendu par Monsieur Aimand (1) la bonne affection en laquelle vous estes pour subvenir aux affaires publiques de quoy j'ai este bien aise, vous assurant de ma part que je n'ay moindre affection a vous procurer vostre bien et repos, et mettre en execution tout ce que je penseray y pouvoir servir. J'ay prie led^t sieur Aimand de retourner vers vous pour vous la faire entendre plus p^ticulierem^t, ensemble ce qui a este resolu en ce lieu vous priant de luy adjoûter foy et de mettre ordre en la plus grande diligence que vous pourrez a ce qu'il vous dira, et sur ce m'estant affectueusement recomande a vos bonnes grâces je prieray Dieu

1579
20 Mars.

Messieurs vous donner en parfaicte sante heureuse et longue vie. d'Anvers ce xx^e de Mars 1579.

Vre bien bon amy a vous faire service

GUILL DE NASSAU.

A Messieurs

Messieurs les deputez des quatre membres
de Flandres.

(1) *Peut-être* Antoine Heyman, homme influent de la faction gantoise.